
GUILLEM DEL BAUS.

Floïssait en 1210. Mort vers l'an 1318. Hist. génér. de Provence.
T. II, p. 405.

S.^e Palaye. Manuscrit du Vatican 3207.

GUILLEMS DEL BAUZ, princeps d'Aurenga, si raubet un mercadan de Fransa, e tolc li un gran aver en la sus strada. El mercadans s'en anet à reclam al rei de Fransa. El reis li dis q'el no li podia far dreit, que trop li era loing': mas te don paraula q'en calqe

maneira que tu t'en pos vales si t'en val. El borges anet e fetz
contrafar l'auel del rei, e fetz letras de part lo rei à'n Guilelm del
Baus q'el vengues al rei, prometen ad el grans bens e grans
honors e grans dons. E quant Guilems del Baus ac las letras
alegret s'en mout, et aparellet se granmen d'anar al rei. E mòc
e venc s'en à la ciutat don era lo mercadans qu'el avia raubat,
q'el no sabia dont el fos. El borges, qan sap q'en Guillelms era
en la ciutat, si lo fetz prendre e totz los compaignos; e si l'oven
à rendre tot so que li avia tout e refar tot lo dan: et anet s'en
paubres desasiatz. Et anet s'en presar una terra d'en Aimar de
Pitheus que a nom l'Osteilla; e qant s'en venia per le Roine en
una barca, preiron lo li pescador d'en Aimar. En Rambaut de
Vaqueiras, qe s'apellava Engles, s'en fes aquestas coblas:

Tuit me pregon, Engles, q'eu vos don saut.

M.

En Gui à tort me menassatz,
E faitz hi que desmezuratz
Quar m'anatz troban ocaizon;
Qu'ieu vos dic, si dieus mi perdon,
Qu'anc per mi no fos encaussatz,
Ni vencutz ni desbaratatz,
Ni fui al vencemen d'Usson.

De Robion don m'encolpatz
Anc per mi no fon derrocatz,
Mas be'n fis baissar un canton.
Eu no sai si m'o fis o non,
En Gui, mas vos vos eu clamatz:
Mas al senhor cui es Seciatz
En fis ben aver sa razon.

E sab n Agout vos encontratz;
Conseil que sia feita patz
E que remanhatz amic bon;
E plegassetz vostre leon,
Q'un petit va trop irissatz:
Que sins avia totz manjatz
A vos no tenria nul pron.

En Gui , trop fos ben cosselhatz
Quan venguetz querre nostra patz
Eus mezetz en nostra preizon ;
Et en Marseilla crei que fon :
Mas lo coms vos nos ha emblatz ,
E cre qu'avens hi es pauzatz
O n'atendetz son guizardon.

Amics en Gui de Cavaillon ,
Si ben vos etz rics et honratz ,
No siatz trop desmesuratz ,
Qu'en pauc d'ora camia'l baillon.

A la reïna , Bernardon ,
Mi vai dire tost e viatz
Mil salut e mil amistatz ;
E tramet li esta tenson.
